

Headlines

1. प्रधानमंत्री नरेंद्र मोदी होरें राष्ट्र व्यापी रोजगार मेले च नमें नियुक्त कर्मचारियें गी वीडियो कांफ्रेंसिंग राएं 71 ज्हार शा मते नियुक्त पत्र बंडे। उनें आखेआ जे पिछले डेढ बरे दौरान 10 लक्ख शा मतियां नौकरियां प्रदान कीतियां गेइयां न।
2. उपराज्यपाल मनोज सिन्हा होरें आखेआ जे जम्मू दी लोक परम्परा मूल्यें ते आदर्शें दा स्रोत रेइयां न जिनें सदियें थमां समाज गी बनाइये रक्खेआ ऐ।
3. ISFR दी रिपोर्ट मूजब जम्मू-कश्मीर च भारत दे सब्बनें शा मते उत्पादक आहले जंगलात न।
4. पेनचक सिलाट प्रतियोगिता च भारत दी नुसरत फातिमा दे देश लेई चांदी दा तगमा हासल कीता।
5. जम्मू-श्रीनगर च बधा'रदे ठंडे दे प्रकोप दे चलदे श्रीनगर च डल झील दा पानी जम्मी गेआ। तोआई जम्मू च बी हल्की बूदा-बांदी होई।



PM-Rozgar

प्रधानमंत्री नरेंद्र मोदी होरें गलाया ऐ जे पिछले डेढ बरे दौरान देश दे करीब 10 लक्ख नौजवानें गी सरकारी नौकरी उपलब्ध करोआई गेई ऐ। उनें अज्ज वीडियो कांफ्रेंसिंग राहें 71 ज्हार शा मते नमें नियुक्त कर्मचारियें गी नियुक्ति पत्र बंडे। प्रधानमंत्री होरें अदाखेआ जे रोजगार मेले दे राहें पिछले 10एं बरें थमां सरकार दे बक्ख-बक्ख मंत्रालयें विभागें ते संस्थाएं च सरकारी नौकरियां देने दा अभियान चलाया जा रदा ऐ। उनें आखेआ जे रोजगार मेले नौजवानें गी सशक्त बना'रदे न ते उंदी योग्यताएं दे बुहे खोला'रदे न। उनें आखेआ जे नौजवानें दे समर्थ ते प्रतिभा दा पूरा इस्तेमाल सहाड़ी सरकारी दी सारें शा बड्डी प्राथमिकता ऐ। नरेंद्र मोदी होरें आखेआ जे सरकार दी नीतियें ते फैसलें कारण गै ग्रामीण भारत च रोजगार ते स्वरोजगार दे नमें मौके पैदा कीते जा'रदे न। प्रधानमंत्री होरें गलाया जे सरकार नै मेक इन इंडिया आत्मनिर्भर भारत अभियान, स्टार्ट अप इंडिया, स्टैंड अप इंडिया ते डिजिटल इंडिया ज्नेइयां केई पैहलकदमियां

शुरू कीतियां न। तोआई केंद्री समाजिक न्याय ते सशक्तिकरण मंत्री डॉ. विरेंद्र कुमार होरें बी अज्ज बडगाम जिले दे बीएसएफ हैडक्वार्टर च आयोजित राश्ट्रीय रोजगार मेले च शिरकत कीती। इस मौके उप्पर बोलदे होई डॉ. कुमार होरें आखेआ जे प्रधानमंत्री नरेंद्र मोदी हुंदे नेतृत्व आहली एनडीए सरकार नै देश दे नौजवानें लेई रोजगार दे बादू मौके पैदा कराने दी पक्क ध्याई दी ऐ। मंत्री होरें नमें नियुक्त कर्मचारियें गी अपना कम्म पूरा धनदेई कन्नै करने ते देश दे लोकें दी सेवा करने लेई आखेआ। उनें आखेआ जे देश दा युवा विकसित भारत 2047 दा लक्ष्य हासल करने च महत्वपूर्ण भूमिका निभाई सकदा ऐ।



LG-IGNCA

उपराज्यपाल मनोज सिन्हा होरें अज्ज जम्मू च इंदिरा गांधी राश्ट्रीय कला केंद्र IGNCA दा उद्घाटन कीता। एह केंद्र स्थाडी सगोसार कला ते सांस्कृतिक विरासत दी सांझ-भ्याल गी बढावा देगा। इस मौके पर बोलदे होई एल.जी होरें आखेआ जे जम्मू दी लोक परम्परा स्थाडी मूल्लें ते आदर्शें दा स्रोत रेइयां न जिनें सदियें थमां समाज गी बनाइयै रक्खेआ ते स्थाडा इंदिरा गांधी राश्ट्रीय कला केंद्र दा क्षेत्रीय केंद्र जीवन दी गुणवत्ता बदाने लेई संस्कृति दे उच्च म्यार गी बरकरार रक्खदे होई इक नमीं रूप-रेखा तैयार करोग।



National Farmers Day

अज्ज पूरे देशा च राश्ट्रीय करसान दिवस मनाया जा'रदा ऐ। एह ध्याडा देश दे विकास च करसानें दे योगदान गी सम्मानित करदा ऐ। एह दिन खाद्य सुरक्षा निश्चित करने, ग्रांई अर्थबवस्थाएं गी बनाई रखने ते देशे दी खेतीबाड़ी आली विरासत गी संरक्षत करने च करसानें दी महत्वपूर्ण भूमिका दा चेता दोआंदा ऐ। करसानें दी महत्वपूर्ण भूमिका गी तानता दिंदे होई सरकार ते उंदे समाजिक ते आर्थिक उत्थान करने आस्तै ते टिकाऊ खेतीबाड़ी विकास पिश्चित करने आस्तै केई पैहलां कीतियां न।



VP/PM Tributes

उपराश्ट्रपति जगदीप धनखड़ होरें अज्ज साबका प्रधानमंत्री चौधरी चरण सिंह हुंदी जयंती दे मौके उप्पर नमीं दिल्ली दे किसान घाट च श्रद्धा-सुमन अर्पित कीते। इस दौरान पत्रकारें कन्नै गल्ल करदे होई उपराश्ट्रपति होरें आखेआ जे 2 ज्हार 1 बरे च चौधरी चरण सिंह गी सम्मान देने लेई किसान दिवस दी शुरूआत कीती गई। उनें आखेआ जे चौधरी चरण सिंह होरें करसानें लेई अपना जीवन समर्पित करी दित्ता। प्रधानमंत्री नरेंद्र मोदी होरें बी साबका प्रधानमंत्री चौधरी चरण सिंह होरें गी श्रद्धांजलि भेंट कीती। इक सोशल मीडिया पोस्ट च मोदी होरें आखेआ जे चौधरी होरें करसानें ते गरीबें दे उत्थान लेई अपना जीवन समर्पित करी दित्ता। प्रधानमंत्री होरें आखेआ जे चौधरी चरण सिंह हुंदा कम्म औने आहली हर पीढ़ी लेई प्रेरणा दा स्रोत बनोग।



Dr. Jatinder Singh

कार्मिक लोक शकैत ते पेंशन राज्य मंत्री डॉक्टर जितेंद्र सिंह होरें आखेआ जे सरकार ने पिछले 10 बरें च कचरे थमां आर्थिक लाहू बनाने दी नमीं बवस्था तैयार कीती ऐ। उनें अज्ज नमीं दिल्ली च सुशासन प्रथाएं सरबंधी राष्ट्रीय कार्यशाला दा उद्घाटन करदे होई एहू गल्ल आक्खी। अपने संबोधन च मंत्री होरें कुर्सियें ते कम्प्यूटरें जनेही पुरानी चीजें दे पर्यावरण पर माड़े असर दे बारै च विचार करदे होई कागजी फाइलें गी घट्ट करणे ते शासन च सुधारें पर बल दित्ता। मंत्री होरें आखेआ जे स्वच्छता अभियान गी मुंडले स्तर तगर लेइयै जाने दी लोड़ ऐ तां जे सुशासन प्रथाएं दा व्यापक विस्तार होई सकै।



Poonch-Awareness Camp

पुंछ जिला प्रशासन नै अज्ज लोकें गी सरकार प्रायोजित बक्ख-बक्ख स्कीमें बारै जानकार करने लेई पुंछ दे बस अड्डे च इक रोजा जागरूकता प्रोग्राम दा सरिस्ता कीता। इस मौके हवेली दे तहसीलदार अजर मन्हास होरें लोकें गी प्रधानमंत्री मुफ्त बिजली सोलर योजना ते प्रधानमंत्री सूर्य उदय स्कीम बारै जानकार कीता। प्रोग्राम दा उद्देश्य पुंछ दे लोकें गी बक्ख-बक्ख स्कीमें थमां लाहू ठोआने बारै, उनेंगी जानकार करना हा। इस मौके बोलदे होई मन्हास होरें आखेआ जे जिला प्रशासन आसेआ शुरू कीते गेदे इयै जनेह प्रोग्राम राहें लोक सरकार आसेआ शुरू कीती दियें बक्ख-बक्ख पैहलकदमियें ते स्कीमें बारे जानकारी हासल करी सकदे न।



Circular Road Accident

जम्मू दे डिप्टी कमिशनर सचिन कुमार वैश्य होरें कल सर्कुलर रोड उप्पर होए दे शिडक हादसे, जेदे च 12मीं जमात दे इक विद्यार्थी दी मौत होई गई ही, दी जांच दे आदेश जारी कीते न। जांच लेई गठित कमेटी च पीडब्ल्यूडी दे एग्जीक्यूटिव असिस्टेंट रिजनल ट्रांसपोर्ट आफिसर ते जम्मू वित्त विभाग दे असिस्टेंट कमिशनर मुख् होडन। मुतल्लक टीम जांच दी रिपोर्ट तौले जमा कराग। डिप्टी कमिशनर होरें आखेआ जे जांच मगरा दोषियें खलाफ सख्त कार्रवाई कीती जाग।



JK Forests

केन्द्री पर्यावरण मंत्री भूपेन्द्र यादव हुंदे आस्सेआ हाल च गै जारी रिपोर्ट IFSR-2023 मूजब जम्मू कश्मीर दियां त्रै शानदार उपलब्धियां सामने आइयां न। रिपोर्ट च दस्सेआ गेआ ऐ जे जम्मू-कश्मीर च सब्बनें शा मती उत्पादकता आहले जंगलात न। एहदे अलावा जम्मू कश्मीर दा जंगलात उत्पादन बी हेक्टर परती सब्बने शा मता 296 इशारिया 22 रिकार्ड कीता गेआ ऐ। इन्ना गै नेई जम्मू कश्मीर दा कार्बन स्टॉक बी इक हेक्टर पिच्छे 174 इशारिसया 10 टन दर्ज कीता गेआ ऐ जेहूइदा श्रेय बी इत्थुं दे जंगलात गी गै जंदा ऐ। एहदे कन्नो कन्नो जम्मू कश्मीर च जंगलात दे इलाकें च बी 34 इशारिया 78 वर्ग किलोमीटर दा बाद्धा होआ ऐ। इस उपलब्धि कन्नै बधे दे हौसले ते खुशी गी मनाने लेई जंगलात मैहकमे नै अपने प्रिंसिपल चीफ कन्जरवेटर बी.के.सिंह हुंदी अगुवाई च नरवाल दफ्तर परिसर च बूहटे लाने दे चबक्खिया केई पारम्पारिक परजातिएं दे बूहटे लाए गे।



Handicrafts Camp

रियासी जिले दी परम्परागत दस्तकारी दी समृद्ध ते सगोसार संस्कृति दी राक्खी लेई ते इसी बढावा देने लेई इक महत्वपूर्ण पैहलकदमी दे तौरा पर अज्ज जिले च इक जागरूकता शिविर दा आयोजन कीता गेआ। इस पैहलकदमी दा मकसद मकामी लोकें च दस्तकारी सरबंधी कौशल च रूझान गी परतियै पैदा करना हा ते एहदे लेई कारीगरें ते बक्ख-बक्ख खेत्तरें दे अधिकारियें गी किट्टा आहनेआ गेआ। इस शिविर च लकड़ी उप्पर नक्काशी, कढ़ाई, बुनकरी ते मिट्टी दे भांडें सनें केई रियासती दस्तकारी ते हत्थखड्डी दे ऐतिहासिक ते सांस्कृतिक महत्व उप्पर लो पाई। इस

मौके पर प्रतिभागियों गी सरकारी योजनाएं, सिखलाई दे मौके ते कारीगरें गी उपलब्ध मार्केटिंग बारै दस्सेआ गोआ। एहदे अलावा माहिरें अज्जै-कल्लै दे बजारें च इस चाल्ली दी कारीगरी गी शामिल दकरने पर जोर दितता।

<><><><><><>

Announcement

खेत्तरीय समाचार एकांश 7 दिसंबर 2024 गी देश दे 347 जिलें च केंद्री स्वास्थ्य ते परिवार कल्याण मंत्रालय आसेआ शुरू कीते गेदे टी.बी दी रोकथाम सरबंधी 100 रोजा अभियान उप्पर 30 मैटें दा इक्क विशेष कार्यक्रम प्रसारित करोग। विशेष प्रसारण बुधवार 25 दिसंबर गी बड्डुलै साड्डे 9 बजे प्रसारित कीता जाग। इस कार्जक्रम दा उद्देश्य टी.बी दी बमारी दी रोकथाम, इलाज ते एहदे बचाव बारै लोकें च जागरूकता पैदा करना ऐ। इस कार्जक्रम च प्रदेश टी.बी अधिकारी डॉ. ज्योति जाली हुंदे कन्नै विशेष गल्लबात कीती गई। इयै जनेह होर दुए महत्वपूर्ण जानकारियें सरबंधी प्रसारण लेई एफ.एम 100 इशारिया 3 मैगाहार्टज, 104 इशारियरा 5 मैगाहर्टज़ ते मीडियम वेब 303 मीटर यानि 990 किलोहर्टज़ उप्पर आकाशवाणी समाचार ते कार्जक्रम सुनी सकदे हो ते mujammu@gmail.com उप्पर स्हाडे कन्नै अपनी प्रतिक्रिया सांझी करी सकदे हो।

<><><><><><>

Pancak Silot Championship

भारत दा प्रतिनिधित्व करदे होई कारगिल दे संकू थमां नुसरत फातिमा होरें 18 थमां 22 दिसंबर तगर अबू धाबी च आयोजित 5मीं जूनियर वर्ल्ड पैन्काक सिलाट चैंपियनशिप च चांदी दा तगमा जित्तियै भारत दा नां रौशन कीता ऐ। 58 किलोग्राम जूनियर वर्ग च मुकाबला करदे होई उंदा शानदार प्रदर्शन इनें खेड्डें च वैश्विक स्तर पर भारत दा औहदा बदा'रदा ऐ। नुसरत हुंदी एहू उपलब्धि ना छड्डा उंदे समर्पण ते काबलियत गी दर्शादी ऐ, सगुआं लद्दाख जनेह दूर-दरेडे इलाकें च समर्थ गी बी उजागर करदा ऐ। उंदी इस जित्त कन्नै जमीनी स्तर पर खेड्डें गी बढावा देने ते मुल्लखै दी हर नुक्कड़ थमां खडारियें गी राश्ट्रीय ते अंतरराश्ट्रीय मंच उपलब्ध कराने दे महत्व पर जोर दित्ता गोआ ऐ।

<><><><><><>

Weather

जम्मू-कश्मीर च शीत लैहर बरोबर जारी ऐ। मौसम विभाग मूजब जम्मू खित्ते च घट्टोघट्ट तापमान 6 इशारिया 5 डिग्री सेल्यिस दर्ज कीता गेआ। उआं अज्ज दिनै किश-किश थाहरें पर बून्दा पौने करी लोकें गी खुशक मौसम थ्मां थोड़ी मती राहत हासल होई ऐ। मौसम विभाग नै कल्लै बाद औंदे दिनें लेई बड़ी मती ठंड दी भविक्खवाणी कीती ऐ। तोआई, कश्मीर घाटी च बड़ी मती ठंड ते तापमान सिफर दे हेठ जाने करी डल झील जम्मी गेई। मौसम मैहकमे मताबक घाटी च घट्टोघट्ट तापमान मनफी-7 डिग्री सैल्यिस दर्ज कीता गेआ ऐ।

